

Պետրոս վարդ. ձեռնադրեալ 'ի Կ. Պօլիս. սա այժմ հիւանդ է.
Ստեփանոս զերապայծառ եպիսկոպոս Աւգերեան միաբան
Գրէճու սա 'ի տուն իւր նստի այժմ:

ՆԵՐՍԷՍ Ե ԶԱՀԱՆ ԶՐՊԵՏԻ ՄԱՍԻՆ

Վահագնեայ Աղայ Խաչատուր Յովակիմեան
Ողորմած Տէր իմ.

Վասն Յակոբայ Շահան Զրպետեանց համարիմ թէ՛ Դուք
իսկ լարուք զիտակ իցէք ի վաղուց ժամանակաց զի է նա ծնեալ
ի 'Իրարպէթիւր որ է Նդեսիայ ի հայ ծնողաց և ի տղայութեան
իւրում աշակերտեալ Պօղոս անուն ուրումն վարդապետի ի
միաբանութեանց Ս. Կարապետի վանիցն որ ի Մուշ. ընդ նմա
գնացեալ է ի Հռովմ և ուսեալ զլեզու և զգրականութիւն
գաղղիական. յետ մեռանելոյ վարդապետին իւրոյ ձեռնադրեցեալ
է և ինքն վարդապետ և ի ժամանակի մըրկայոյդ խառնակու-
թեանցն յնւրոպայ թողեալ զկրօնն ամուսնացեալ է ի Փարիզ և
ի Նապօլէօնէ կարգեցեալ է ի գրատան թագաւորական ուսուցիչ
Հայոց լեզուի և յամի 1819 ի դնալ ազնուական Աղայ Գէորգայ
Սրեմեան Արծրունւոյ վանեցւոյ ի Փարիզ յայտնեալ նմա վասն
անփոփոխ ունելոյն. զսէր և զջերմեռանդութիւն իւր առ եկե-
ղեցի և առ ազգ Հայոց, գրեալ էր և առ մեզ ի Թիֆլիս յայտ-
նութեամբ իւրոց առաւել ցանկութեանց վասն նուիրելոյ զմնա-
ցորդս կենաց իւրոց ի ծառայութիւն ազգի և եկեղեցւոյ հայ-
քենեաց. միջնորդեալ էր մեզ առ այն և յիշեալ ազնուականն
իւրալ յատուկ գրութեամբ: Նւ ի վերադառնալն յետս առ մեզ
ք տուն իւր ի Թիֆլիզ զգրութիւն իւր առ Զրպետեանն և
զմիջնորդութիւն իւր առ մեզ հանապազորդէր ազնուականն
ըստ արումն ազգասիրութեան, յորմէ հարկադրեալ կամ մա-
նաւանդ ամաչեցեալ պարտաւորեցաք հրաւիրել զնա առ մեզ
յամի 1824 ի Մարտի 24 գրութեամբ մերով և եկեալ առ մեզ
յայտնեաց զանձն իւր անհամաձայն ձայնարկութեանցն անտի
իւրոց ի Փարիզոյ և ջատագովութեանցն ազգասէր ազնուականին

և յետ վատնութեանցն ի զուր զգումար մեծ աւելի քան 22744 րուբլի դրամոց և արտաքոյ այնմ զանազան նիւթեղինաց և այլ և այլ արտաքին ծախուց մերոց վասն նորա, անխնամ եղևալ նաև իւրոց խոցմտանաց, գտաւ համակից ատեցողաց զանձն իմ և դամենայն զհասարակութիւն միաբանութեան ընդհանուր ազգի Հայոց և յորդորեալ ի նոցունց համարձակեցաւ լինիլ և խնդրամատոյց գրով առ Պայծառ կուսակալն զրաֆն Սրեւանայ յայտնելով նմա զպահանջողութիւն իւր առ ի մէջ յետ նշանակեալ գումարացն վասն ծախուց ճանապարհորդութեան իւրոյ և երկու ամ և կէս կալոյն ի Թիֆլիզ ի մեծակառոյց սենեակսըն մերում ուսումնարանի միւս ևս 22368 րուբ. զոր խնդրագիրք առաւել առ Վոյեննոյ կուպերնատորն զրաֆն Սրեանայ նորին կառավարութեամբ առ բաւականացուցանելոյ զայնքոս մնասապարտն իմ զտկարամիտ Ջրպետեանն, հաւանեցուցեալ էին զգործավարսն իմ անդէն ի Թիֆլիզ հատուցանել այլ ևս Պարոն Ջրպետեանին 1200 մանէթ արծաթ, որ ըստ հաշուոյ Թիֆլիզոյ առնէ աստիղնացի թղթագրամ 4800 րուբլի:

Սև յետ այնորիկ ընկալայ զգիր ի մերոց գործավարաց թէ զրաֆն Սրեանայ նշանակեալ վասն նորա ռոհիկ ամսական 100 մանէթ արծաթ կամի կարգել զնա ըստ ժամանակի ի վերայ Տէրութեան գործոյ և զկնի միջոցի ընկալայ զծանօթութիւն թէ խոստացեալ է նմա ընդհակառակն կարգել ընդհանրական կառավար մերում ուսումնարանի և յետ այնորիկ ևս լուայ թէ վերջացուցեալ զամսականն նշանակեալ նմա արձակեալ է զնա ի կապանաց իւրոց յուսադրութեանց, այլ ոչ միայն երկց լրոց չունիմ մինչև ցայսօր զհաւաստի տեղեկութիւն:

Ողջ լեր Տէրամբ և ես եմ և մնամ ճշմարիտ բարեկամութեամբ և իսկապէս վերապատուութեամբ միշտ

Ձերում վեհազնութեան

խոնարհ ծառայ

Արքեպիսկոպոս Հայոց Ներսէս

№ 267

Ի 12 Նոյեմբ. 1830.

Ի Քիշնև